

Enn ti sékré

Mo sel risess
Li dan promess
Enn ti sékré

Paress somey
Karess soley
Dan mo llizié

Dir mwa tifi
Kifèr lavi
Sitan sérié

Dir mwa béti
Kifèr mwanvi
Ferm mo lizié

*Rétrouv frésèr létan lontan
Viv linissans mo ti zanfan
Rétrouv sourir détanzantan
Kontign révé arett létan*

Mo sel fébless
Li dan tristess
Nou ban régré

Violans lahen
Silanss lapenn
Lavi brizé

Vizaz lagèr
Zéni malèr
Ki triyangé

Zanfan mizèr
Bol lapoussièr
Fizi kriyé

*Kan lakolèr finn swazir kan
Parol mantèr nourì tourman
Kontign ploré ploré zanfan
Arett révé perdi létan*

Mo sel promess
Li dan risess
Lavérité

San fèr serman
San fèr sanblan
Mo existé

Parfwa lenvi
Zamé fini
So kantité

Parfwa lavi
Enn komédi
Ki tro sérié

*Dan ki pou krwar do mo zanfan
Kan linzistiss fèr so foutan
Kan dan fènwar kan trosouvan
Tou nou ban rèv mor lor brizan*

Mo sel fébless
Li dan tristess
Ti délizié

Dé ti lagrin
Zako sagra
Anvi ploré

Dan linivèr
Ki alanvèr
Mo pa koné

Si lor latèr
Nou konn koulèr
... Enn ti sékré